



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU STRANKE PENZIONERA-UMIROVLJENIKA BOSNE I HERCEGOVINE

Broj: 03-07-6-273/20
Sarajevo, 01.10.2021. godine

SADRŽAJ

| | |
|---|---|
| MIŠLJENJE REVIZORA..... | 3 |
| 1. UVOD..... | 4 |
| 2. PREDSTAVLJANJE POLITIČKE STRANKE..... | 4 |
| 3. OPIS PREGLEDA I KONTROLE FINANSIJSKOG IZVJEŠTAJA | 4 |
| Predmet pregleda i kontrole | 5 |
| Cilj pregleda i kontrole | 5 |
| Obim pregleda i kontrole | 5 |
| 4. PRETHODNE KONTROLE I REVIZIJE..... | 5 |
| 5. NALAZI I PREPORUKE..... | 5 |
| 5.1. NALAZI..... | 5 |
| 5.2. PREPORUKE..... | 9 |

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Stranke penzionera-umirovljenika Bosne i Hercegovine za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2019. godinu, utvrđeno je da je Stranka penzionera-umirovljenika Bosne i Hercegovine prekršila odredbe člana 4. stav (1), člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka izvršila je pregled godišnjeg finansijskog izvještaja Stranke penzionera-umirovljenika Bosne i Hercegovine za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka penzionera-umirovljenika Bosne i Hercegovine se finansirala iz sljedećih izvora:

| R/B | Izvori finansiranja | Iznos (KM) | Struktura (%) |
|-----------|--|-------------------|---------------|
| 1. | Članarina | 88.236,20 | 67,44 |
| 2. | Prilozi fizičkih lica (3-a) | 150,00 | 0,11 |
| 3. | Prilozi pravnih lica (3-b) | 0,00 | 0,00 |
| 4. | Prihodi od imovine (3-c) | 0,00 | 0,00 |
| 5. | Prihodi od dobiti preduzeća u vlasništvu političke stranke (3-d) | 0,00 | 0,00 |
| 6. | Prihodi od poklona (3-e) | 1.200,00 | 0,92 |
| 7. | Prihodi iz budžeta (3-f) | 40.713,84 | 31,12 |
| 8. | Prihodi od propagande (3-g) | 525,20 | 0,40 |
| I | Ukupni prihodi (1-8) | 130.825,24 | 99,99 |
| II | Ostali prihodi i drugo | 2,42 | 0,01 |
| | Izvori finansiranja (I+II) | 130.827,66 | 100,00 |

U godišnjem finansijskom izvještaju stranka je iskazala rashode u ukupnom iznosu od 134.137,64 KM.

2. PREDSTAVLJANJE POLITIČKE STRANKE

Naziv političke stranke je Stranka penzionera-umirovljenika Bosne i Hercegovine. Skraćeni naziv je SP-U BiH.

Stranka penzionera-umirovljenika Bosne i Hercegovine je registrovana kod Općinskog suda u Sarajevu, Rješenjem broj: R-I-4/02 od 23.04.2002. godine.

Sjedište političke stranke je u Sarajevu, Hasana Kikića 8.

Lice ovlašteno za zastupanje stranke su: Dževahid Sokić, predsjednik stranke, Sonja Akšamija, potpredsjednica stranke i Zorica Ostojić, potpredsjednica stranke.

Lice ovlašteno za finansijske izvještaje za 2019. godinu je Nadža Kunić.

Prema podacima iz godišnjeg finansijskog izvještaja za 2019. godinu, Stranka penzionera-umirovljenika Bosne i Hercegovine ima sljedeću organizacionu strukturu:

- SP-U BiH,
- 6 kantonalnih odbora i
- 45 gradskih i općinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke penzionera-umirovljenika Bosne i Hercegovine za 2019. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Stranke penzionera-umirovljenika Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola finansijskih izvještaja Stranke penzionera-umirovljenika Bosne i Hercegovine izvršeni su u periodu od 2005. od 2018. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2018. godinu, izdat je Izvještaj o pregledu sa mišljenjem revizora, nalazima i preporukama stranci da sačinjava program utroška na pravilan način i da finansijska sredstva obezbijedena za finansiranje stranke koristi u skladu sa utvrđenim programom utroška sredstava, da izdaje potvrde o prijemu priloga, te da sadržaj potvrde uskladi sa odredbama člana 6. Pravilnika o godišnjim finansijskim izvještajima političkih stranaka, da u skladu sa odredbom člana 5. stav (4) Zakona o finansiranju političkih stranaka, članarine prikupljene u gotovom novcu uplaćuje na transakcijski račun u roku od 10 dana od dana prijema uplate, da se u skladu sa odredbom člana 6. stav (2) Zakona o finansiranju političkih stranaka, prilozi uplaćuju na račun centrale stranke, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da postupa u skladu sa podzakonskim aktima koje donosi Centralna izborna komisija Bosne i Hercegovine.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da Stranka penzionera-umirovljenika Bosne i Hercegovine nije ispoštovala sve preporuke.

5. NALAZI I PREPORUKE

5.1. NALAZI

a) Stranka penzionera-umirovljenika Bosne i Hercegovine prekršila je odredbe člana 4. stav (1) Zakona o finansiranju političkih stranaka.

U godišnjem finansijskom izvještaju stranka je iskazala ukupne troškove u iznosu od 134.137,64 KM. Stranka je u svom Programu utroška sredstava za 2019. godinu planirala ukupne troškove u iznosu od 153.622,65 KM.

Uvidom u Program utroška sredstava za 2019. godinu, utvrđeno je da nije dovoljno analitičan, tj. ne obezbijeduje potpunu transparentnost planiranog trošenja sredstava, kao i njihovu uporedbu sa ostvarenim troškovima. Takođe, potrebno je istaći i to da je stranka u planu predvidjela i prenos članarine opštinskim i gradskim odborima u iznosu od 68.600,00 KM, zatim stavku prenosa budžetskih sredstava organizacionim nivoima stranke u ukupnom iznosu od 7.674,65 KM, i pozajmice i povrat istih općinskim, gradskim i kantonalnim odborima stranke u iznosu od 3.300,00 KM. Navedene planirane stavke ne predstavljaju trošak stranke, već interni prenos sredstava između organizacionih odbora unutar same stranke.

Osim toga, stranka je planirala i stavku prenešene obaveze iz 2018. godine u iznosu od 23.400,00 KM, što ne može biti trošak 2019. godine.

Uvidom u Program utroška sredstava Služba za reviziju je utvrdila da je stranka finansijska sredstva u iznosu od 89.241,28 KM utrošila mimo utvrđenog programa utroška sredstava za 2019. godinu, i to:

- Stranka je prekoračila planirane troškove ugovora o djelu, troškove kancelarijskog materijala, troškove zakupa poslovnih prostora, troškove komunalnih usluga, troškove prevoza, troškove platnog prometa, troškove poreza i drugih obaveza, troškove poštarine i internet usluga i ostale rashode u ukupnom iznosu od 76.498,04 KM, kako slijedi: troškove ugovora o djelu u iznosu od 47.306,35 KM, troškove kancelarijskog materijala u iznosu od 1.659,67 KM, troškove zakupa poslovnih prostora u iznosu od 6.514,50 KM, troškove komunalnih usluga u iznosu od 99,24 KM, troškove prevoza u iznosu od 921,50 KM, troškove platnog prometa u iznosu od 3.894,05 KM, troškove poreza i drugih obaveza u iznosu od 11.176,16 KM, troškove poštarine i internet usluga u iznosu od 4.218,12 KM i ostale rashode u iznosu od 708,45 KM.
- U planu utroška sredstava stranka nije predvidjela sljedeće troškove: troškove električne energije, troškove reprezentacije, ostale nematerijalne troškove, troškove neproizvodnih usluga, troškove usluga, troškove ostalih zakupa i rashode iz ranijih godina.
Stranka je u 2019. godini navedene troškove ostvarila u ukupnom iznosu od 12.743,24 KM, i to: troškove električne energije u iznosu od 565,05 KM, troškove reprezentacije u iznosu od 6.335,68 KM, ostale nematerijalne troškove u iznosu od 1.236,96 KM, troškove neproizvodnih usluga u iznosu od 293,39 KM, troškove usluga u iznosu od 2.336,77 KM, troškove ostalih zakupa u iznosu od 190,00 KM i rashode iz ranijih godina u iznosu od 1.785,39 KM.

Sve navedeno ukazuje da je Stranka penzionera-umirovljenika Bosne i Hercegovine prekršila odredbe člana 4. stav (1) Zakona o finansiranju političkih stranka jer je finansijska sredstva utrošila mimo utvrđenog programa utroška sredstava za 2019. godinu.

b) Stranka penzionera-umirovljenika Bosne i Hercegovine prekršila je odredbe člana 5. stav (4) Zakona o finansiranju političkih stranaka.

Kontrolom finansijske dokumentacije utvrđeno je da Gradski odbor SP-U BiH Tuzla članarine prikupljene u gotovom novcu, putem blagajne, u iznosu od 54,00 KM nije uplatio na transakcijski račun u roku od 10 dana od dana prijema uplate, te da OO Zavidovići nije na transakcijski račun uplatio članarine u iznosu od 144,00 KM, čime su prekršene odredbe člana 5. stav (4)¹ Zakona o finansiranju političkih stranaka.

- Uvidom u analitičke kartice, utvrđeno je da je Gradski odbor SP-U BiH Tuzla dana 29.04.2019. godine uplatio članarine na transakcijski račun GO SP-U BiH Tuzla u iznosu od 54,00 KM, koje je prikupio u periodu od 03.01.- 06.02.2019. godine.

- Na osnovu podataka iz analitičkih kartica, utvrđeno je da OO SP-U BiH Zavidovići nije uplaćivao članarine, koje su prikupljene putem blagajne u periodu od 07.01 – 30.12.2019. godine u ukupnom iznosu od 144,00 KM, na transakcijski račun.

c) Stranka penzionera-umirovljenika Bosne i Hercegovine prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Pregledom godišnjeg finansijskog izvještaja za 2019. godinu utvrđeno je da Stranka penzionera-umirovljenika Bosne i Hercegovine nije vodila pravovremene i pravilne evidencije o prihodima, rashodima, obavezama i novčanim tokovima, te nije popunila obrasce godišnjeg finansijskog izvještaja za 2019. godinu u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik), čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

¹ Ovlašteno lice u političkoj stranci uplaćuje članarinu i dobrovoljne priloge neposredno na transakcijski račun političke stranke najkasnije u roku od 10 dana od dana prijema uplate.

- (1) U obrascu 2 finansijskog izvještaja (Pregled prometa svih transakcijskih računa političke stranke) stranka je za Općinski odbor SP-U BiH Teočak iskazala pogrešan promet transakcijskog računa, čime je prekršila odredbe člana 11. Pravilnika.

- Na osnovu dostavljene dokumentacije, odnosno izvoda sa transakcijskog računa broj:13227000309772527 otvoren kod NLB banke OO Teočak koje je stranka dostavila uz očitovanje na Preliminarni izvještaj o pregledu godišnjeg finansijskog izvještaja za 2019. godinu, utvrđeno je da je stranka u finansijskom izvještaju iskazala pogrešan promet po navedenom računu, te da dostavljene izvode nije evidentirala u svojim poslovnim knjigama.

U godišnjem finansijskom izvještaju stranka je iskazala sljedeći promet: stanje na dan 01.01.2019. godine u iznosu od 557,83 KM, promet ulaza u iznosu od 0,00 KM, promet izlaza u iznosu od 0,00 KM i stanje na dan 31.12.2019. godine u iznosu od 557,83 KM, dok je analizom izvoda utvrđen sljedeći promet: stanje na dan 18.01.2019. godine u iznosu od 557,83 KM, promet ulaza u iznosu od 497,92 KM, promet izlaza u iznosu od 484,50 KM i stanje na dan 31.12.2019. godine u iznosu od 571,25 KM.

- Pored navedenog, uvidom u analitičke kartice prometa transakcijskih računa organizacionih odbora stranke Ilijaš, Zenica, Jablanica, Travnik i Donji Vakuf utvrđeno je da je stranka u 2019. godini evidentirala dio izvoda iz 2018. godine. Na osnovu navedenog evidentno je da stranka nema tačne podatke o novčanim tokovima, prihodima i obavezama.

- (2) U obrascu 2-1 finansijskog izvještaja (Promet blagajne) stranka je iskazala za Centralu stranke sljedeći promet blagajne: saldo na dan 01.01.2019. godine u iznosu od 145,01 KM, promet ulaza u iznosu od 9.800,00 KM, promet izlaza u iznosu od 10.178,75 KM i negativan saldo na dan 31.12.2019. godine u iznosu od 233,74 KM.

Na osnovu podataka iz dnevnika blagajne utvrđen je sljedeći promet: saldo na dan 01.01.2019. godine u iznosu od 145,09 KM, promet ulaza u iznosu od 10.100,00 KM, promet izlaza u iznosu od 10.178,75 KM i saldo na dan 31.12.2019. godine u iznosu od 66,34 KM.

Uvidom u dnevnik blagajne Centrale stranke za 2019. godinu utvrđeno je da stranka u svojim poslovnim knjigama nije vodila pravovremene evidencije ulaza novčanih sredstava u blagajnu, odnosno stranka je sredstva podignuta sa transakcijskog računa za potrebe blagajne dana 13.06.2019. godine u iznosu od 300,00 KM, u svojim poslovnim knjigama evidentirala dana 01.01.2020. godine.

- Na osnovu izvoda sa transakcijskog računa OO SPUBIH Teočak, koje je stranka dostavila uz očitovanje, utvrđeno je da je ovaj odbor u 2019. godini ostvario promet putem blagajne, a koji stranka nije iskazala u finansijskom izvještaju.

Uvidom u finansijski izvještaj i poslovne knjige utvrđeno je da je ovaj odbor u 2019. godini putem blagajne ostvario promet: početni saldo u iznosu od 20,40 KM, promet ulaza u iznosu od 0,00 KM, promet izlaza u iznosu od 0,00 KM i stanje na dan 31.12.2019. godine u iznosu od 20,40 KM.

Analizom izvoda utvrđeno je da je OO SPUBIH Teočak sa transakcijskog računa za potrebe blagajne podigao sredstva u iznosu od 260,00 KM, a koje stranka nije iskazala u finansijskom izvještaju u okviru blagajne. Takođe, ni u poslovnim knjigama nije evidentirala troškove u iznosu od 260,00 KM.

Na osnovu navedenog utvrđeno je da stranka nije postupala u skladu sa propisima i principima blagajničkog poslovanja.

Stranka je prekršila odredbe člana 12. Pravilnika, jer je iskazala pogrešan promet blagajne u finansijskom izvještaju.

- (3) U obrascu 3-f (Prihodi iz budžeta) stranka je iskazala prihode iz budžeta općina u manjem iznosu za 842,55 KM, čime je prekršila odredbe člana 19. Pravilnika.

- Stranka je u obrascu 3-f iskazala prihode iz budžeta Općine Novo Sarajevo u manjem iznosu za 444,63 KM u odnosu na ostvarene. U godišnjem finansijskom izvještaju stranka je iskazala

prihod iz budžeta Općine Novo Sarajevo u iznosu od 10.226,49 KM. Uvidom u akt Općine Novo Sarajevo broj: 05-11-1687/20 od 15.03.2021. godine utvrđeno je da su iz budžeta ove općine stranci u 2019. godini uplaćena sredstva u ukupnom iznosu od 10.671,12 KM.

- Uvidom u akt Općine Teočak broj: 02-11-470-1/21 od 12.03.2021. godine utvrđeno je da je navedena općina u 2019. godini uplatila sredstva stranci u iznosu od 497,92 KM, dok je stranka u godišnjem finansijskom izvještaju iskazala prihod iz budžeta Općine Teočak u iznosu od 100,00 KM, odnosno u manjem iznosu za 397,92 KM.

- (4) U obrascu 3-g (Prihodi od propagande) godišnjeg finansijskog izvještaja stranka je iskazala prihode u iznosu od 525,00 KM.

Na osnovu dokumentacije koju je stranka dostavila, utvrđeno je da su sredstva u iznosu od 525,00 KM prikupljena od tombola koje je organizovao OO SP-U BiH Zavidovići, dana 12.01.2019. godine povodom Nove godine i dana 13.03.2019. godine povodom Dana žena. Takođe je utvrđeno da je cijena ulaznica za navedene zabave iznosila po 15,00 KM, a cijena tombole 2,00 KM. Nagrade za obje zabave su obezbijeđene u iznosu od po 200,00 KM, a vrijednost kupljenih nagrada bila je u rasponu od 0,50-4,00 KM.

Stranka nema tačne podatke o učesnicima tombole, odnosno nema tačne podatke o uplatiocima. Prihod od tombola, iako su zabave održane u različitim mjesecima stranka je provela kroz blagajnu nalogom za naplatu od Aktiva žena OO SP-U BiH Zavidovići u jednom iznosu od 525,20 KM, dana 17.06.2019. godine.

Takođe, u poslovnim knjigama stranka nije evidentirala troškove organizacije zabava (nema račune za navedena organizovanja), prihode od naplaćenih ulaznica, niti je iste iskazala u obrascima godišnjeg finansijskog izvještaja.

- (5) Stranka je u obrascu 4.1 (Režijsko-administrativni i ostali troškovi) iskazala troškove ugovora o djelu u iznosu od 25.051,42 KM. Uvidom u dokumentaciju utvrđeno je da je stranka u okviru troškova ugovora o djelu, odnosno u okviru navedenog iznosa, iskazala i troškove dnevnica i putnih troškova u iznosu od 14.231,42 KM.

- Uvidom u putne naloge na osnovu kojih je stranka evidentirala troškove dnevnica i putnih troškove, a koji su knjigovodstvene isprave o nastalim poslovnim događajima², utvrđeni su nedostaci. Na putnim nalogima, po osnovu kojih je politička stranka isplatila sredstva za korištenje sopstvenih automobila u službene svrhe, a koje se u skladu sa važećim propisima utvrđuju na osnovu broja pređenih kilometara i cijene benzina, stranka je vršila isplate ne navodeći broj pređenih kilometara niti cijenu benzina u momentu putovanja. Takođe, na nekim od putnih naloga stranka je izvršila obračun dnevnice, a da pri tome na putnom nalogu nije navedeno vrijeme polaska na put i vrijeme povratka sa puta. Na putnim nalogima nedostaje izvještaj sa službenog puta.

- Uvidom u ugovore o djelu, koji su knjigovodstvene isprave o nastalim poslovnim događajima, utvrđeno je da nisu jasno precizirane vrste usluga kao i njihov obim, što se u skladu sa računovodstvenim propisima zahtijeva od knjigovodstvene isprave.

- (6) Stranka u godišnjem finansijskom izvještaju i poslovnim knjigama nije iskazala pravilne i potpune podatke o troškovima zakupa poslovnih prostora koje su koristili odbori stranke, čime je prekršila odredbe člana 21. i člana 22. Pravilnika.

Stranka je troškove zakupa poslovnih prostora iskazala u manjem iznosu za 360,40 KM u odnosu na ugovorenu cijenu zakupa, i to za sljedeće odbore stranke: KO SP-U BiH Zenica u iznosu od 67,80 KM i OO SP-U BiH Maglaj u iznosu od 280,00 KM, dok je troškove zakupa za Gradski odbor SP-U BiH Tuzla evidentirala i u godišnjem finansijskom izvještaju iskazala u većem iznosu za 320,00 KM.

² U skladu sa računovodstvenim propisima, sadržaj knjigovodstvene isprave mora nedvosmisleno i vjerodostojno pokazivati vrstu i obim nastale promjene (količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

S obzirom da nije evidentirala sve troškove zakupa, tako ni obaveze prema zakupodavcima nisu tačno iskazane na obrascu 5 (obaveze) godišnjeg finansijskog izvještaja, što je suprotno odredbama člana 24. Pravilnika

5.2. PREPORUKE

Preporučuje se Stranci penzionera-umirovljenika Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva obezbijedena za finansiranje stranke troši u skladu sa svojim programom i statutom,*
- *da u skladu sa odredbom člana 5. stav (4) Zakona o finansiranju političkih stranaka, članarine prikupljene u gotovom novcu uplaćuje na transakcijski račun u roku od 10 dana od dana prijema uplate,*
- *da poslovne knjige vodi u skladu sa računovodstvenim propisima, odnosno da uspostavi i vodi pravilne, pravovremene i potpune evidencije o novčanim tokovima, prihodima, rashodima i obavezama, kao pretpostavku za pravilno finansijsko izvještavanje,*
- *da primjenjuje principe i pravila blagajničkog poslovanja i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

Stranka penzionera-umirovljenika Bosne i Hercegovine se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu.

U očitovanju stranka je dostavila dodatnu dokumentaciju i ispravljen obrazac 2, te djelimično ispravila greške u popunjavanju.

Pored toga, stranka je dostavila i Odluku o rebalansu plana prihoda i rashoda od 05.11.2019. godine. S obzirom na to da je stranka imala obavezu dostaviti rebalans plana prihoda i rashoda odmah nakon usvajanja, a da je isti dostavila tek uz očitovanje, navedene izmjene nisu uzete u razmatranje.

Služba za reviziju je uvažila sve argumentovane primjedbe stranke, te je u jednom dijelu korigovala nalaze revizije iz Preliminarnog izvještaj o pregledu, te na osnovu dostavljene dokumentacije dopunila izvještaj dodatnim nalazom revizije.

Šef Odsjeka za revizijske poslove

Sanja Tošović

Revizor

Veliborka Kenjić

Pomoćnik revizora

Anela Burdžović Kapić

Šef Službe za reviziju

Mr sc. Hasida Gušić